

安溪縣志



重脩安溪縣志序



昔人有言作史之難莫
難於志班范而下蓋闕
如也史以志稱自陳壽

始而所載獨紀傳名實
牴牾識者譏之今郡邑
之志則星土名物官師
賢雋貢賦風謠莫不具

載雖以志名實該全史
珥筆從事勝任綦難我
國家奄有四海聲教翔洽
郡縣之志各纂葺成書

以上於所司匪特黼黻
太平潤色鴻猷蓋將以
備參稽考謠俗會車書
而大一統也安溪為泉

郡支邑適上谷謝令出
宰茲土因徵文考獻從
簿書期會之暇編輯成
書其分野疆域山川土

田則史氏之志也仕宦
政績士女懿行則史氏
之傳也其官師臨蒞賢
雋登庸莫不年經月綿

則史氏之表也一展卷
而燦然不遺秩然不紊
舉五十餘年之廢墜而
脩明于一旦蓋踵前志

而折衷之可以稱信史
矣考安溪初造始于周
顯德間其山峻其水冽
澄泓凝碧厥名清溪相

傳民俗率安土敦仁不
作浪游是以宋宣和間
更今名向者考亭常過
而樂之其遺風餘澤猶

叙五
有存者誠使出治者繹
清之名待治者思安之
義將見郅隆之治淳龐
之俗復見於今日史氏

國

秉簡而書之昭垂
史副在有司後人讀其
志因以想見其邑則安
溪彈丸之區且首為採

風者屈一指矣志成問
序于余因走筆弁其簡
首

康熙癸丑秋仲之望

賜進士出身福建分守興

泉蕪巡海防道布政使

司叅政今陞江西等處

提刑按察使司按察使

前奉

勅提督雲南學政大梁李

光座譔

李氏
光座

己
雅本

安溪縣誌序

今天子聰明旁矚欲周知

民生休戚之故戶口殷

凋之所風俗變易之理

吏治更化之功

詔直省所在輯志乘上于

天府將以資

乙夜之覽而施化裁焉吾

閩郡邑各應時而成書

夫山川物產人物沿革

此在

聖人知之可也不知庸何

序二
害今濱海數郡三十年
氛沴之中氣數蹇厄顛
連未休獸遷爲舉哀嗷
於中路是宜遇長沙而

慟遘東門而圖者矣雖

九重講誦之餘屢顧軫問

然堂上萬里亦安知一
隅斂憊以至於斯

謝侯起名進士來宰吾

邑三年政將成茲所為

志甚具侯生長

日月之旁出既為

天子整頓之入當為

天子敷陳之計言之歲於

臆者不知其幾也獨是

誌書格於義例使慘怛

愁憂之形無由附見編
端具具而因具具而完
此亦慈惠之心所悲憫
而不自憐者也雖然勢

之所拘不可卒抗則盡
其意而已矣吾邑自詹
公敦仁啓治以來世有
賢侯而詹本名德君子

報政以後卜隱於佛耳
山下遂蕃其子孫於此
吾祖森當明宣德間尚
義賜爵用進尉調縮邑

符南面臨其棄梓一事
在七百年上彼君我而
侶我而民不驚一事在
二百年上彼儕我而蒞

我而民不忌于今志乘
咸彪炳焉其處心積慮
不過自盡其當日之意
而豈謂其傳之勿斁也


哉夫意之所儲勝於言
言之所紆勝于文他日
恭逢未百已也

臨
軒之問焉侯其寫所臆

而對焉吾之望萬世
侯尚未有已也

翰林院編脩年家治弟

李光地頓首拜書



宋元

安溪縣志序

自南唐保大三年安溪
之稱縣於是始閱宋元
有明以至我



朝其間建置損益亦可得
而悉數也僕來守泉會
奉

部檄直省各修志于是

郡邑咸有事于此而安
溪令謝君遂成邑志予
讀而善之夫安溪巖邑
也壤接汀漳之交筭密

蒙叢民樸而野有唐魏
之儉陋乃近者民不安
生分好訐訟喜淫巫此
豈習俗然與抑有以致

之耶君踵前書以成此
志美善不遺纖悉必備
所以紀興廢勵風俗其
亦有取于是哉偶以行

部至此嘆古人之風流
咸在吾目彼鳳山者非
紫陽所題詩處耶龍湖
者非西山所禱雨處耶

至于仁賢君子接踵如
林而皆得彪炳于是書
之內覽者亦當比絜于
瑯邪之編頡頏于陳留

之志矣君其勉之哉後
之續今猶今之續古使
後世謳思者次于詹敦
仁陳宓之後則庶幾乎

昔



大清康熙拾貳年歲次癸

丑立秋後一日

泉州府知府古沛年

家侍生王者都頓首

拜撰



安溪縣志序

邑設安溪自南唐始

而安溪之有誌則自

勝國正德始也厥後

一備於嘉靖之己丑
再脩於嘉靖之壬子
而丙申卒酉復為增
緝誌亦甚備矣獨是

卒酉迄今五十餘年
其間陵谷雖無變遷
而此外不無損益况
我

國

朝鼎建以來邑雖小

可無增脩以備一邑

文獻乎茲者更際我

皇上加惠宇內欲周知

天下戶口阨塞之要

以昭一統盛事垂億

萬世無疆之徵今各

郡縣倣秦豫通誌款

式詳訂成書宸奎也
敢不夙夜兢兢以仰

副

維新之治乎但文武

兩闈執事榕城至仲

冬始得取舊誌而讀

之遠稽近採於所已

備者重加考核未備

者斟酌增補越冬及

春三閱月而事告竣

文采雖遠愧班馬曲體

裁則恪遵

功
今從此山川土田以

及文章事實庶幾皆

斑斑可攷上之備

秉銀管脩

國

乘者之採擇泰山滄
海竊自同於細流土
壤笑下之俾邑人士
睽茲風土既垂於先型

務本勤生以裕家室
之謀息爭止訟以培
忠厚之基讀書循理
以成禮讓之俗朴者

農而秀者士無虐余
三事教誡之心於斯
詰也更不無憊憊焉
豈曰彈丸黑子可勿

是究是圖也哉遂濡
筆而并授之劑劑
康熙十有二年歲維
癸丑仲春之吉

賜

同進士出身文林郎

知安溪縣事前授廣

西慶遠府荔波縣知

縣安肅謝宸荃謹序



縣志

前志序

正德十六年尚寶司少卿晉江李源序

安溪古清

溪當邑之陽溪流清瑩順下如駛故曰安安者順也
或曰惡其聲之類於非族故易之易之嫌名也其地
舟車所通貿遷化居不以山谿之限民樂耕紡士俊
警尚意氣隋置場南唐縣之六百年來志書無有修
廢正德辛巳正月庚申龔侯揖師生而進之曰縣志
古列國史也匪古匪今匪後爾師生亦此之憂
乎用是事事不怠毋廢前聞毋畧後觀三越月而草

安溪縣志
已具龔侯過竹坡之居以序請予聞之小史掌邦志
周官則有東漢之初詔南陽撰作風俗則知縣與天
下昔人不以大小廣狹詳畧也侯其以天下眎安谿
哉夫古今之氏史家者自三代以還可數也惟司馬
氏稱實錄焉侯其以西漢紀安溪哉侯諾以往又三
越月志以告成遂書以歸之侯名頴吉水人登江西
戊午榜好學而文政知所先

邑人按察副使詹源序 安溪志志吾安溪一縣之
事也修之者令吾縣吉水之龔侯栗夫也與修事者

吾邑博南海之鄒君至道豐城之涂君仲介也安溪
之爲縣與夫志之所以修其詳已見於地官郎李竹
坡先生序矣龔侯謂予邑人也當綴數語于後予惟
今之吏蔚有聲稱爲能者不過知事事於簿書期會
之間訟獄賦稅之末而已其能知以典章載籍爲事
者蓋寡矣間有及之者又率紛工糜費於一切無益
之虛文而已其能知以政體治道所關人心風化攸
繫者爲事焉益又寡矣龔侯負通敏之才出自賢科
令吾安溪甫朞月理治之暇卽慨然念安溪爲邑僻

在一方舊未有志無以鑑古窺今善今垂後遂與二三同志修輯以傳舉其志則一邑之文獻風土之事備雖今可古而後可今也是可以觀焉可以興焉勉焉修焉通變宜民焉從善舍惡焉自一邑推之郡自一郡推之天下而莫不然焉其於政體治道人心風教所補豈小小哉是非有達遠知要之識光明正大之心宏博淵源之學者不能爲此也吾龔侯有此觀志者當攷而自得之

嘉靖八年莆田副使林有年序

安溪尹黃君德和

承憲劄以修志事役於予予屏居囊山罹痾困曷稱耶辭歷四浹辰矣德和復走使篤叙師弟情義予竊喜其脫凡知要道行矣遂肩輿戒途越十一月甲午至安溪寓東嶽官山谷盤紆林木薈蒨古勝蹟也廼事事焉德和屢欵近抒意商確可否且曰懌欲知天地之道民俗之宜而爲政之緩急先後焉懌欲知職官之賢否而爲政之取舍勸懲焉懌欲知學校之興舍人物之盛衰而爲政之轉移設教焉祀典懌欲知之崇之而解咎涵休焉惠政懌欲知之舉之而宣風

布德焉事有關於政務者懌皆欲知之而爲政之因革用助聰明之弗逮焉非志曷知志容缺乎嗚呼俗之吏惟私焉急限於縮朒者非業若德和可謂達治體者矣安小邑也文獻殘落漫無所稽廼集諸鄉都耆民授以簿簿以類分令其考註期以盈旬董得十之一二而復考之典籍詢之學校欲其詳且公也雖老農樵牧亦下偵之欲其見聞無遺也窮搜博採夙夜事校閱編輯成書釐爲十卷其目五十有四德和囑予叙夫志志一邑之事邑之志猶國之史曹滕小

國也邾莒則又小矣史固不以小而廢之也安邑里不滿二十制度具矣鑑戒昭矣損益之機亦槩可審矣續之尚友君子式是而求其故則更化圖治亦未必無小補焉以一邑之小而例之天下亦可也志始舉於棠陵方公繼而督學高公眎學至安溪於風化惓惓焉歎曰茲吾職也廼命工壽之梓爲後日文獻之徵云

知縣黃懌序 成周盛時內史掌八柄之法外史掌四方之志厥後王綱弛紐周微矣而猶知所尊者史

官在也志之裨於治如是夫今郡邑之志卽外史所
掌者安溪自南唐保大十三年迄今五百餘載歷代
政務因革不同地僻而道存焉職卑而責重焉戶不
百而風遠且大焉懌雖無似稔知邑志關於化理者
大顧力未逮耳嘉靖己丑春三月承憲副棠陵方公
命延林寒谷先生柄其事寒谷吾師也初以疾辭強
而後可迺仲冬乙未踵安溪適隣饑粟直騰涌先生
恐病民歎日事不可以已容可緩乎故操觚提槩夜
以繼日關治理者悉之涉怪誕者畧之疑而無所稽
音闕之移事屬類立綱分目自仲冬乙未抵季冬丁
丑浹四旬而志成速矣懌閱而讀之其事核其文雅
而婉而闡而警勵益嚴嗚呼經載道史紀事然事亦
道也天道式是而昭地道式是而立人道式是而備
可以勸可以懲可以風天下後世是叙志意也庸書
于末簡

嘉靖三十一年林有年序志曷以志王政也史是
也盛周時內史掌四方志周微矣人猶知所尊信固
史在焉漢唐而下王會三輔有圖方輿寰宇有志迨

明大一統志始備焉安溪小邑也曹滕邾莒則又小矣史固不可以小而廢之也安溪縣治自南唐保大十三年建置歷今六百餘年厥土惟沃掌地成田王梅溪謂民淳事簡易治之地也嘉靖戊子蕭山黃君懌知縣事卓有廉能聲爲百城表歎曰志關風化安溪獨缺非司百里者之責乎次年己丑辱承憲副方公豪請修安邑志余素蒙雅愛劄辭不獲買舟渡仙溪至安之東嶽宮而事畢勸穎泓竟爾閱月而成首地輿于學校窮搜博采畢勸穎泓竟爾閱月而成首地輿

次官制學校人物公署祀典文章雜志又次之總其綱分其目已入梓矣辛亥夏四月又承都憲前參政王公璣有纂續前志之役惓惓焉顧阿陽老矣蓐食間欲授簡則不勝悚息欲避席似有孤王公志意姑從命未幾時方置校抗旌備武禦寇月餘汪侯瑀請命太守方公克公日今還兵已稅介元元得安堵處業矣况志關風化不可湮落俾文獻無徵汪侯乃咨度邑庠典教李君鑰以庠生吳子主恕不遠數百里敦請彌篤可謂知所重而深達治體者矣自顧選更

迂疙遐迕惟艱延至壬子季夏始得庠生蔡子志孝
 吳子主恕持其條旅申集自已丑以後志中事蹟燦
 然備具余屬意展閱叅校緒正移事屬類編入于各
 款目之下政務之損益人物宦業之臧否悉該載無
 遺焉後之有民社者講求其故轉移樞宰產其地者
 嚮往前修力求嗣響固大有機焉者昔司馬文正公
 集古今治亂成敗之跡以資天下後世之治抑斯志
 也其亦郡邑資治之鑑與輒忘荒陋詮次成書若綜
 理規措通行翻刻則又廉能邑長汪侯瑀力也余蒙

成而已耳僭書于簡首式昭厥後時年八十有九

林按

有年字思和莆田人舉弘治五年鄉薦以乙榜蕭山
 教諭迎養二母大母制終補東莞復迎母侍養潘督
 學稱其好古甘貧疏舉自代不報滿九載母沒廬墓
 有遭風反火之祥服闋擢繁昌知縣最上擢南御史
 一歲中七言事武宗遣中使迎活佛於西域有年疏
 諫武宗怒逮繫詔獄謫武義丞量移樂清知縣嘉靖
 初復御史擢衢州知府六年當遷五邑民相率臺司
 乞留擢貴州副使未上為忌者所排致仕老穉泣送
 之致政家居監司憐其貧約每令有司助以薪米亦
 不苟受年登大耄介守不衰衢人思慕立德惠祠祀

萬曆二十四年邑令章廷訓序 夫安溪之有志始

于正德辛巳修于嘉靖戊子又修于壬子自地輿以

至雜志凡八卷其目五十有三蓋詳哉其識之矣迄今年久殘落漫無可稽且也有大關於邑治風教者未之紀載殊爲闕典余深慨焉思所以修之而力未逮也適我皇上加意文獻令天下各府州縣志俱解一部送部備考太府羅陽程公亟命縣重修之余廼謀于學諭滕君養志訓導胡君堯元二君偕諸生吳登孫一鳳輩進曰志雖未備而舊板尚有存于學者令人檢脈之得其十之二三於是博採輿論又質公於學校于所可因者存之所未有者增之若城池之創造三壇之重建文章節義之迭興人物宦業之傑出悉該載無遺焉越數月而翻刻之工就矣斯志也雖因舊以有成而事核文直四十餘年聲名文物之盛燦然畢具蓋亦可以備觀覽者然余特補其闕畧云爾若操是非筆削之柄以信今傳後則俟後之君子而余未敢僭也觀志者幸無我罪焉

天啓元年辛酉春三月清源郡人呂圖南序

清溪

志者志清溪之山川土田民風建置與文若獻也操其事者釋孝何先生也先生博極羣書慕古修道材

宏而筆無曲志之信也始之者清溪邑侯賀君也始賀君鄭重邑乘而屬之何先生方屬草而賀君行矣成之者灌陽王侯也王侯方下車數月不急辦期會而卽委刻事於諸生黃曦陟氏亟成此志者何一邑之典章參錯不整次當吾世而名士大夫高節懿章不表錄如椽之筆委諸紙上爲政者之過也曙其大也刻成而南寓日焉其義例自原縣分野至紀表凡十八則覽之燦如也秩如也彬彬乎備哉蓋仲尼嘗論述夏殷而致歎杞宋之文獻彼傷當時之君卿大

夫不能有所別識發明令天下之遺名憲不獲前耳目而舉後耳目而傳遂爾泯泯者盡杞宋也迺其自矻矻洙泗間則以禮樂易詩書春秋爲文以祖述憲章爲獻而以萬世爲系故當仲尼而命文獻實難其人卽禮之聘官之剡良史之董狐博物之子產君子之遽瑗好惡與同之丘明遍觀六代禮樂之季札皆身遇仲尼而得其褒讚則之數君子者固一代爛然之文獻也夫文獻而山川風俗興建名蹟大官貴人乎此可按名籍而臚列者也凡文而不擘畫朝家指

切邪正獻而不麟鳳郊數鴻儀世宙識者雖載筆不
愜志焉文而擘畫指切獻而麟鳳羽儀則一郡一邑
之文獻固天下之文獻也何也賈生治安數策可以
洛陽之文日之乎汲長孺古社稷臣可以漢陽之士
日之乎天下一大方隅也古今一大簿帳也郡邑而
天下則無負郡邑志郡邑而天下則無負志郡邑與
杞宋一僉時者小至邶鄘衛微詠片簡世知有邶鄘衛
也然則授事茲方與其杞宋之也毋若邶鄘衛之也
吾觀太史公書成而欲藏之山川山川亦不杞宋矣
禹穴三酉非是書不知是山又令太史濡毫時而卽
有殺青播之通都大邑者太史更不言藏矣王平子
行陳留郡而問士人吏以蔡子尼江應元對因歎賞
此邦有風俗則子尼應元者陳留之文獻而停車一
問姓名爾香平子亦識所以傳之耶穉孝先生世方
孫古文辭盤皿與之而躬行一本之仲尼正學自身
具文獻矣嘗承臺使者陸瑞亭氏閩志委詮次數載
已脫藁特未授梓又嘗修泉郡志茲志清溪其一支
也清溪多君子不具論如詹汝欽公父子侍從侃侃

天下大計直聲在隆萬間李克蒼氏以一郎署上書
言事無所不指斥白首偃蹇斯豈復志郡國士哉王
侯不頃刻忘斯志也亦君家平子停車問士人意也
余故論其大而爲之序 張介一本之於吳王學自長
邑人李懋檜序 清溪山峻而水冽其水至武榮與
他水滙獨瑩然如碧故得名清其民安土樂生不作
浪遊想故又改名安唐初不著入五代則詹令君開
山與名賢周太朴劉子真莫逆嘯詠文運漸闢入宋
則張聖行始制科爲趙清獻李文肅蘇黃門所知而

文運乃振至我朝菁莪化廣有布衣蒙璽書賜秩賚
金者自先旌義始嗣是人物鵠起科甲蟬聯文運駁
駁盛矣豈非靈傑機候有固然不爽者乎是志也賀
父母瑞原始其事至王父母安庶始竣役披圖按籍
揆遺文絕盛事則我年友何穉孝筆也穉孝名山著
書有筆如椽閩書泉志皆出其手宜其雅馴也懋檜
於清溪爲桑梓用敢有言吾閩通中原最後於閩之
中有清源於清源之中有清溪賢聖踪跡疆場勝事
固不及百之一志也者所以備千載之語林者也然

中州戎馬之場馳驅之往蹟至今日而杳然者何可指數千餘年來勃鬱之氣煥然大闢泉於天下固方幅遇獨遺清溪哉考亭曾經此地標境品目自有韻致王父母下車質直有文平易而惠涖政暮月百廢俱興復屬意志林茹採繚素將使幽巒湛壑之所產與名地等埒蓋於槩楮中寓作興焉併使後來池茲土者知沿置有宜登耗有數官守有蹟流品有評而山川愈有奇士民愈有賴作興至意寧直一時之光武因不揣固陋序之

知安溪縣西粵王用予序 蓋前令章君之志安邑也經始于正德修圯于嘉靖二朝而重加筆潤迄今新上紹極又閱幾三十春秋矣剗剗雖存掛漏可虞誰尸邑事不無固陋之愆焉而未得所當怍焉且思迺蒙桐江京卿匪莪何先生以赴召餘晷手編是錄且命庠彥黃子曦陟持以示予予讀而卒業唯唯起曰安溪于泉州爲屬邑而介漳泉之衝雖壤幅褊小然禹貢周職方非志國邑者之所權輿也哉自後世觀之爲有鄙細而俚俗者矣夫田賦高下之異等墳

墟黎赤之異壤九鎮九澤之異名固應列而載之至
 蓀蕩箇籛淮蟻江龜海錯之纖細苟切于利器用而
 阜民生辨陰陽而蕃孳息不以穢襍見遺則安溪之
 志可知重以匪莪先生之操觚提槩出其黼黻皇猷
 丹青帝載者而垂意邑志詎曰安邑褊小無可志也
 凡邑中地輿官制學校人物公署祀典文章雜緒總
 綱分目罔不纂集成編所謂體詳事核言直文蔚焯
 焯來禩邑不朽而志不朽志不朽而先生之立言之
 惠俱一日而千古矣予不文何能為役其邑與志顛
 末具載于呂老師及心湖李先生之弁端而捐貲錢
 梓則邑有司責也志成妄為之言于簡末

原縣

星野

輿地

方

川

貢俗

考員

述制

叙官

彭獻

臚榮

開譜

卷

問

文

序

卷

二

三

四

卷

五

六

七

八

卷

九

十

十一

十二

卷

十三

十四

十五

十六

卷

序

志可知也

丹青帝載者而重意邑志能於安邑編小無不志也
凡邑中地輿官制學校人物公署祀典文章雜錄總
綱分目同不纂集成編所謂詳事核言直文蔚然
益損適存目貴也志如安邑之言于簡末之立言之
悉俱備于呂蒙潤又小賦李氏主之兵繼而隸貴論

安溪縣志總目

前志有十八則 存以備考

原縣

星野

輿域

奠方

用民

貢俗

考蹟

述制

叙官

彰獻

榮臚榮

闡潛

徽閨

問禮

傳文

弭患

驗徵

紀表

皇清詔修大一統志

勅

一 條

仍以十八則分隸各條之下先賢遺筆不敢
志也

一 山川形勢

一 戶口丁徭

一 地畝錢糧

一 風俗人物

一 疆圉險要

第一卷

山川形勢志之一

原縣

星野

輿域

奠方

用民

第二卷

山川形勢志之二

奠方

第三卷

戶口丁徭志之一

用民

地畝錢糧志之一

用民

前志同則分為二條

第四卷

風俗人物志之一

真俗

第五卷

風俗人物志之二

第四卷

考蹟

第六卷

風俗人物志之三

述制

叙官

第七卷

風俗人物志之四

彰獻

臚榮

第八卷

風俗人物志之五

闡潛

徽閨

第九卷

風俗人物志之六

第十卷

問禮

風俗人物志之七

傳文

記

第十一卷

風俗人物志之八

傳文

序

文

書

辯

頌

賦

銘

第十二卷

疆圉險要志之六

弭患

驗徵

編輯姓氏

總輯校正

安溪縣知縣謝宸荃

字亮工號郎屏辛丑進士直隸保定府安肅人

監修

安溪縣儒學署教諭張毅

字伯重號弘次庚子舉人福州侯官縣人

安溪縣典史陳篤敬

字誠宇河南長葛人

叅訂

邑人李光地

字晉卿號厚菴庚戌進士翰林院編修

彙纂

洪龍見 字公隱

參閱人

石金和 字憲呂甲午舉人

陳嘉章

字存斐丁酉舉人

李日燦

字葆甫恩貢

李兆慶

字賴甫

林洪星

字獻奎拔貢生

林登鶴

字爾錫歲貢生

陳洪圖

字白書丁卯舉人

官朝京

字子孟壬

李胤禧

字永甫歲貢生

李國紳

字

陳如龍

字建祈

吳洪雋

字允德福州府

孫胤騏

字天衛癸卯

陳臥龍

字見甫癸卯

李舒斌

字武舉人 丙午

白夢麟

字漢趾癸卯

謝春

字秉璜 武舉人 甲午

謝登軾

字子章 武舉人 癸卯

鄭士熊

字舉人 巴西

陳世策

字治侯 武舉人 壬子

駱騰霞

字彩汝 武舉人 壬子

黃基揚

字肇振 武舉人 壬子

姚鵬

字武舉人 壬子

謝宸藻

字敬工

謝世晉

字子進

謝承晉

字子勗

謝凝晉

字子端

謝宸隣

字欽工

謝宸佑

字代工

謝宸鑣

字揚工

謝宸鐸

字振工

謝宸錄

字叙工

謝宸鉞

字惠工

謝桂馨

字丹若

謝桂芝 字蓮若

謝桂芳 字秀若

謝桂芬 字班若

謝桂蘭 字杏若

顧鼎錫 字龍媒

牛星輝 字冲宇

李 萼 字韓園

袁宗周 字美器

生員 楊鸞 林一燧 胡璉 林華捷

吳梅元 王 祗 陳日耀 劉 紱

蔡一侯 李欽颺 王 臣 林之起

黃正煥 李光垵 李夢桐 李夢樂

李光斗 孫 褒 李鴻胤 李光復

孫 襄 張成謨 孫 熠 陳金鍾

黃元高 吳蛟騰 張麟瑞 陳宗憲

陳鴻業 黃志捷 劉亦顯 葉方榮

李鳳先 林可棟 李日升 吳元晉

唐公凱 詹 龍 林幼弼 林錫齡

陳玉階 潘自岩 唐焯黎 林巖彌

張胤瑞 洪士翊 王光旦 廖仁燕

吳陳夏 官士驤 陳景綬 陳孔高

林千賡 林先春 潘見龍 柯拔奇

李鼎徵 謝端拱 梁彬 王之禎

督梓吏書林武爽


安溪縣志圖

一圖總境

二圖縣郭

三圖縣治


四圖儒學



安溪縣志一圖


東南安界

東南至南安界







春縣界

安縣界





安溪縣志二圖





安溪縣志四圖

圖四



安溪縣志圖終



安溪縣志卷之一

一山川形勢

前志凡四則隸于左有小引

原縣分野興域奠方

體國經野先王所重封山濬川古帝肇焉則夫辨
 丘陵墳衍原隰周知廣輪之數與有斯民之責者
 烏得置諸弁髦故修志者必以此為第一豈非為
 國家計長久也哉

原縣

自禹平水土益作山海經而有閩自秦廢閩越王而

有閩中郡自隋開皇而有泉州自唐景雲二年而
泉州始不兼統福州而專爲泉州自唐咸通而始
折南安縣地爲小溪場自五代周顯德二年而南
唐始以小溪場爲清溪縣自宋宣和三年寇起睦
州清溪洞時惡其名始改清溪爲安溪明仍之爲
坊者一爲鄉者四鄉爲里者十七其鄉曰歸善積
德金田修仁其里曰永安統圖一曰長泰統圖一
曰光德統圖一曰依仁統圖一 是屬於歸善曰新
溪統圖一曰新康統圖一曰崇信統圖一曰龍涓

統圖一 是屬於積德曰龍興統圖二曰還集統圖
二曰感德統圖一曰常樂統圖一 是屬於金田曰
感化統圖一曰來蘇統圖一曰崇善統圖一 是屬
於修仁其地在泉州之西東抵南安界于高田西
至漳之龍溪界于銀場南至南安界于筆架山北
抵永春界于吉滌嶺東南至南安界于大宇橋東
非至南安界于厝田西南至同安界于東嶺西北
至漳之漳平縣界于臭銅東至泉州府一百五里
東北至省城五百六十五里三千三百六十里至

于南京七千三百六十里達于京師百六十里至
星野

周禮保章氏以星土辨九州之地所封封域皆有分
星而史記正義及兩漢晉隋唐宋歷代史書俱以
斗牛女三星為吳越之分唐一行以天下山川之
象存乎兩戒北戒自三危至朝鮮是謂北紀南戒
自岷嶓至東甌閩中是謂南紀但吳越之地在南
而星紀在北其相配之理有未明焉明天文志以
閩郡邑僉屬斗牛之分一統志則以為牛女之分

諸說各明一理皆不可廢安溪縣分星幾度未詳
備錄之以俟後考

輿域

山嶺巖石溪潭泉湯
陂塘井橋渡

鳳山

在縣治北一峯峙立分為兩翼若鳳翥然故名一
名鳳髻山又名展旗山實縣治之主山也文鳳山
山人序畧曰山深窅而袤長虛靜而廣莫珍禽奇
羽多集於中故曰鳳山昔朱文公臨縣治標八景

云鳳麓春陰龍津夜月閨巖夕照薛坂曉霞蘆瀨
行舟葛馨坐釣東臯漁舍南市酒家是山所謂鳳
麓也五代劉乙詹非並隱其下山頂有觀曰通絃
菴曰鳳池朱文公來縣按事道中見山水清激山
石竒峭喜其大類建劍間有詩錄于徵文及至留
宿此菴題菴壁曰心外無法滿目青山通絃山頂
不是人間明令龔穎改菴爲書院以祀文公山有
善惠院今廢宋初建山麓有東嶽行宮結構爽麗
邑人多游焉下有鳳池橋橋宋開禧三年令楊承

福建嘉定六年令陳宓易以石址木樑上覆屋四
十六間邑人刻石曰陳公橋宓嫌掩前人之美授
石於湍改名鳳池焉宓勸民歌我有衍土鳳山之
陽昔焉蕪穢今則歌農桑旣溫且飽復習乎典章
於乎帝力於我其忘

在縣治北

黃龍山

鳳山對山也下有黃龍津又名登高山宋令陳宓
修禊於此而登鳳池橋抵流惠亭有序按流惠亭
在縣西陳塘上舊名水花亭有蘇氏子於此遇尉

不避尉譙呵之命為賦賦立就乃釋之故以流惠
 名亭後以塘生雙蓮改曰瑞蓮嘉定間以塘為放生池
 復名流惠龍津橋宋令趙師戩所建鳳池橋則陳宓所
 建者令趙彥侯記曰自建二橋邑人物始盛

金龜山

以形名縣東南水日山也上有金龜塔先是萬曆二十二年
 令章廷訓以安邑形勢來自西北東南雖有葛磬之石橫
 據溪中顧午山高抗龍形卑不

敵廼建塔石上名曰文昌至四十七年令賀詳更

即是山建塔以壯縣勢以興人文即名其塔曰金

龜塔

按舊有識云龍向江頭躍頭角龜向東纏開
 祥端謂黃龍金龜二山也

三公山

山有三峰中似公字又曰文筆峰旁有龍水巖東
 峰頂有池大旱不涸旁有仙人石棊盤即南安界
 之麗碧山也峰巒秀麗山石娟好故名麗碧山下
 有龍潭宋守真文忠於此禱雨其文曰麗碧之山
 龍湖在焉淵渟瑩徹蓋有神物宅其中某以城鑰

之守弗克躬造命邑尉致祈謹拜于庭遙致忱悃
伏願雲興雨注以震耀龍君之威靈俾歲則有秋
人弗告病

北觀山

山有石笋高五丈曰牛心石下有溪水迴環縣治
名北地灣識曰水流北地灣安溪出狀元

黃蘗山

一名南山又名午山深林邃谷有笋蕨稜稻之饒
神仙之跡舊傳有入山遇仙者從之而往越旬方

歸山腹有五峰巖又名頭陀巖

產坑山

唐處士周朴居此有瀑布泉其前有塘又名周塘

山

象山

又名象運山界南安

林尾山

官山

山半有盤石可坐數十人其中空虛如宮然

旗山

半有盤石可坐數十人其中空虛

閩山

又名浪來謂其山勢似蹙浪然其半爲閩苑巘先是清水巘普足禪師嘗坐是山指曰眞佛家鄉也後數十年當現身於此宋建中靖國元年示寂紹興四年七月十日雷火燒山自夜達旦鄉人異之躋攀嵯險至石門人跡不到處見白菊一叢薑三叢香爐一普足在焉俄頃雲霧擁之上昇遂卽其地創廟宇爲清永別巘普足詳見下蓬萊山又有

仙姑巘相傳有馬氏女採花巘中後成仙去宋有扶風馬大仙廟下有月潭以其形如半月大旱而零龍浮卽雨潭中蓮花石出水高三丈餘

壯山

以上永安里

叅山

自鳳山迤而東爲叅山山半有石嵌可容數十人黃氏世居是山之下黃氏本州黃守恭之孫也守恭唐垂拱時人家本素封爲長者所居州西城外晝夢有僧欲化其宅爲寺守恭曰待桑樹生蓮花

迺可耳忽見千手千眼菩薩騰空而上不數日宅中桑樹盡生蓮花守恭卽捨宅爲寺今州開元寺也守恭因請釋匡護爲擇地分居其子於四安則南安惠安同安安溪而叅山其一云

馬旂山

山中有三層滌龍潭潭凡三幽黝深靜上有龍王廟傍祀一尉按尉嘗禱雨於此訶責道士必求見龍龍見形示尉尉還大雷雨擊尉斃之故祀於廟傍宋志叅村龍潭廟方二丈餘側有大石遇禱雨

時龜見則旱蛇見則雨明嘉靖七年二月旱甚令黃懌免冠帥士民禱潭下三步一拜果雨三十一日六月令汪瑀望潭請水徒跣路拜雨亦隨應是山也又名展旂山以山形有躍馬展旂之象上有鬼穴通清水巖

大脣山小脣山

二山也其形如脣又名脣田山宋令黃銳有詩

羅漢山

自大脣發脉下有羅漢渡周顯德中建智度院

廢

安溪縣志 卷之一 靈湖山

高田山

與大小二嶺俱界南安 以上長泰里

盧山

山下有盧氏居之五代行傳禪師修行山中常有二虎馴伏盧門前數松一夕自仆師為起之盧遂徙宅而延師唐天祐中建上乘院淨果院宋乾興中建超覺院

烏巖山

地名貴湖有瑞蓮龍安二巖幽蔚勝概里中巨觀山又有惠巖院後梁時建淨土院法輪院後晉時建今廢

白菊山

山多白石望之如菊

荷葉山

以形名

龍塘山

山曰龍塘嶺曰龍門廟曰龍王廟下潭曰龍塘潭

懸瀑數十尺二壁夾立舊嘗禱雨有龍見古有龍門驛通同安縣

陳旗山

其形似旗能興雲致雨中有雌雄大石容百餘人陳氏聚族此山之麓

銅鑼山

與陳旗對峙高屹秀拔昔山人仲遜隱此

鐵峰山

山頂石起數丈如鐵砧俗名鐵砧山萬曆中里人

林懷鸞塔之下有慈濟巖

以上依仁里

駟馬山

山勢如馬亦名駟嶺俗訛爲赤嶺唐天祐中建安常院其下有石廣二丈餘人呼則應名曰應石又名雙鯉石在駟嶺霞坑潭巨石兩片形似雙鯉亦名茭杯石又有龍虎石芹石芹石有五片在嶺林蘆汀霞坑二水合流之處高廣數丈可坐數十人迴顧駟嶺明叅政吳鵬大鐫芹石二字

以上新溪里

龍蹤山

山勢蜿蜒石上有龍跡拱照虎丘林氏祖居

彌勒山

山有員頂狀似彌勒故名

大帽山

有林氏者世居之按林氏祖名乾故居德化梓溪好堪輿之術射獵旁近地至大帽山下見一麕運地停而觀之喜其山水竒好裴回睇盼不覺日暮欲求止宿人家殊遠便於栢木下磐石宿焉夢白頭翁與語曰大帽山前麕運鹿眠金雞玉犬是爾

良緣旣驚恠其夢覺復聞鷄鳴犬吠之聲心念自喜此金玉之應也且復周覽其地決意卜居遂口占爲詩指栢爲號號曰栢葉山自梓溪遷居之今駟嶺林氏之祖也

崎山

一名崎石山層峰聯翔磊轟遞峙鑿石累累如人行

馬山

巍然北峙登眺其巔可望泉漳諸峯西有大馬山

對峙像乎武俠其麓多出技擊之士

天山

起湖山疊鬼聳峻脫突二巒東俯馬山西伏鰲峰
下名芹藻洋其流關百丈而鎖龍潭張氏祖直講
聖行子滿進卜居於此山之陽右有鰲峰山環拱
羊角山

佛天山

峰頭爽峙狀如羊角蜿蜒數十里歷塗樓格下山
抵虎丘爲林氏來龍之祖以上新康里
以形名又名佛耳詹敦仁謝令隱此作堂清隱自
爲記記文別見又有題佛耳山詩始敦仁悅是山
將隱其下披荆榛見鹿群敦仁曰無驚使驟遂卽
鹿傍結廬居之鹿與人馴擾相得是山也在崇信
里其名崇信者以留從效辟敦仁書有崇待篤信
之語故以名里

九峰山

在佛天山前詹敦仁作望雲亭面之目曰九仙旁
有根竹山

北巖山

上有石鼓石碁盤古蹟在焉

鶴頂山

在珍山鄉本自佛耳山蜿蜒數十里頓起高峰崔
嵬挿漢惟秋冬時露山尖陟其巔瞰望千里爲泉
漳界一巨鎮昔有名僧愛此山聳秀結方爲庵凡
事前知有卜雨暘休咎者無不如響漳嘗苦旱郡
守昇僧至問之曰日中而雨候午初猶炎守怒責
以杖頃之雲興滂沱守慙以綵輿送歸山僧謂其
徒曰佛有八難是之謂乎未到巖而化爲圓光祖
師迄今香火赫奕

白葉山

山產白竹葉地名白葉坂嘉靖二十七年僉事余
曠於此平賊築城堡移源口巡檢司戍守之今廢
以上崇
信聖

石鼓山

盤石中有石如鼓若人抱置者手抱痕及躋跡皆
明好事者以爲仙人所爲又有石如兔望月又有

巨人手跡

筆架山

以上龍涓里

陽益山

後洋山

山最高下有大洋田一名大洋山

天馬山

三笏山

大寨山

虎耽山

戴霧山

自陳五郎疊峰而至勢甚峻峭雲烟常繞非極霽

不見山頂登之瞰數百峰其下黃家族於斯按黃

祖守恭由晉開元寺分派藍邑參山復分派於此

地號科名子姓蕃衍其鄉又有大樟樹週圍五丈

高廿餘丈覆蔭數十丈故老相傳為唐所植元至

正間有章大材應鄉試得雋報者依住址尋到僅

一大樹始知乃其神也明進士黃森贈以聯云科

場夙蜚聲端賴神光赫濯遠近承樾蔭莫非枝葉

扶踈今菁茂未艾鄉人祀之祈禱如響

鷄髻崎山

形似雞冠因名自麓至巔路十餘里為下六里及上游等府必經之途不殊蠶叢九折

盤龍山

山形蜿蜒如龍盤踞因名以上龍興里

同發山

高山也又名銅鈹山山大脉行后墘鎮尾

朝天山

山最高也上有天寧巖

南斗山

上有六小山布列如南斗又有大帽山迎富松洋

山

坑源山

高山也上有普陀廟

吳岐山

山畔有紫雲仙殿嶺後兩列諸山其形似鐘峰回

路轉又有密洋山旁有菴名曰正覺菴以上還集

大深山 又作密峯山 亦有密峯山 亦有密峯山 亦有密峯山 亦有密峯山 亦有密峯山

下有深湯 山巔巖巖 西以嶺山 其汗以嶺山 其汗以嶺山 其汗以嶺山 其汗以嶺山

峨眉山

宋秘書郎里廬其塚尚存

鐵鑛山

以產鐵名旁有桃洲山 以上感德里

高旗山

石門尖

高峰絕頂其麓有宋靈醫吳真人祖跡在焉

覆鼎山

界永春不生草木形如覆鼎是生武俠之士其人

皆拳勇技擊面永春而居者正統中有郭榮六之

徒凡三十七人擊走沙尤寇卒死於難 以上常樂里

陳五郎山

山最高晴明可眺海上有石平廣裂痕如砌成者

有巨人跡舊號仙鋪庭下有龍潭祈雨輒應障水

山者有五山

翠屏山

山有巨峯介還集來蘇龍興感化四里間故名大尖宋宣和間道人黃惠勝自永春來居小尖自小尖徙此初徙時尖有異光人怪之往觀則惠勝在焉因巖架屋屋用鐵瓦悉飛逝而至紹興甲寅示寂水旱應禱或有青蛇之異人因去其尖上小字名曰泰山後有顯應大師修行其上師永春黃氏子精禪契佛鄉值旱禱不應師曰我能人未然之聊就誦經經罷曰大衆悉歸少選滂沱時號黃水車後坐化

碧翠山

二峰壁立甚峭山半有魁巘又名碧翠巘

小尖山

在翠屏東道人黃惠勝自永春來居此號曰寶峰結臺峰頂曝身求雨旣徙居於大尖語人曰此地後必爲于城市劉寶來吾菴其爲廳事乎其後臨汀寇至鄉落砦尖頂禦之朝廷遣官捕寇兵果駐故菴其官姓劉名寶

雪山

古有廟山上有積雪歲旱禱之若巘溜滴瀝即雨

以上感化里

巘山

以形名又名侯山上多石下有龍仙廟明洪武間

胡氏女名仙英媾來親迎女迺白日飛昇次日山

旁有降真藤盤結如椅女現身坐寂焉里人異之

遂葬于山巔旁有昇平山東甲山

來蘇里

蓬萊山

故名張巘山巖水清泚名清水巖巖列三樓繞壑

而至唐人詩大壑隨堦轉群山入戶登是巖似之

舟山

峰頭亘峙其形如船遙望之宛宛星槎銀河間壯

踞安南未之界昔有祖師煉真于此石上多奇蹟

迄今廟宇巍然山勢逶迤下有東溪陳氏世居之

瑞峰山

下有三惠院梁開平初建超化院後梁貞明中建

鷲臺院後唐長興中建亦名員教院今廢山上有

石鐘响鳴聖跡

梁家山也

龍山

山有紆迴盤曲之勢一名山母亦云盤龍山梁氏卜居其麓之坂即八景中薛坂曉霞之故地也

大滌山

與觀音山疊峰而來下有數十丈潭滌水深而碧

內龜山

在仙苑薛坂內有一山如金星龜形亦名後蔣山

高蓋山

一名芹山乃清水發源而來高可望海形展如蓋

閭平山

乃觀音山下平處亦名南坪山

以上光得里

東嶺

與龍門嶺俱通同安縣

依仁里

太字嶺

長泰里界南安縣

磨鎗嶺

新康里通長泰縣

吟詩嶺

石人嶺下有石如人

以上崇信里

石梯嶺 丁酉三石城人 以上崇善里

巨石高峻有五十餘層 龍涓里

寓思嶺 界龍興感化二里

大嶺 大泰里界前少鄉

在縣西北通永春界崇善感化等里訓導吳彬築

室讀書於其下

打鼓嶺 來蘇里通永春縣

吉際嶺 界永春平瀛亦谷南平

巖

仙境巖

明莆田卓晚春遊此題巖壁有詩 晚春有道術莆人呼為小仙

天際巖 以上長泰里

水湖巖

在光得里山闢一湖奇泉恠石樹林深茂其頂之

上可望清紫乃縣學之後照山也宋普足禪師住

持清水時時來往憇而樂之嗣後化身清水飛爐

于此每風清月白常聞鐘鼓之聲里人因為建巖

立像宋勅封金牌湖內有水大旱不涸湖外有曝

穀石廣而坦遊者坐覽眼界豁然

新巖

以上光得里

聖泉巖

在駟馬山左巖最高登巔遠眺可望郡中清源山
產茶甚佳而亦絕少巖後有泉出石中清甘不竭
禱雨有應宋裴道人游憇石傍數月于此

碧水巖

巖背有石可容百餘人水出其下曰碧水

以上新溪里

洪恩巖

右有淙水百餘丈樹林幽勝

新康里

金沙巖

在依仁里雙髻山之西肇自有宋建炎元年興剎
時碧泉流出金沙故名焉明郡人會狀莊際昌曾
遊于此留題志勝

瑞蓮巖

巖有巨室可容二百餘人前有池嘗產雙蓮

龍安巖

今名青林巖邑巖之最大者宋時巖清水為上青

林次之前有石笋卓立溪心五代時清豁禪師居焉清豁名絃應福永泰張氏閩龍啓初肄業神晏國師具戒事叅謁永和坐夏招慶法因席夜聞油燈聲爲偈曰分明坐裡見身光迥迥虛明照四方復見身於光裡見身將光相不相妨凡聖共同真去處非凡非聖莫思量以似因因曰上坐自證之心乃異於昔而異非異善自保持還同冲煦造小界山契如菴主遂詣杉菴晤語及夜豺虎馴擾豁爲如更室大章山旋移莆中菴居去見睡龍道溥與相證明溥大說許之南唐保大末置泉開元上方院旣留從效延主漳之保福寺宋建隆三年辭衆歸山至貴湖愛其清邃休居焉刺史陳洪進奏賜紫方袍號性空禪師豁所居門無壯鑰薄曲障風而已太平興國元年冬戒門人以其遺骸食蟲蟻勿塔入巉巖坐磐石上長往留七日神色儼如入定火而散之得舍利三百宋淳熙中道人了員卽清豁遺跡拓爲殿堂令陳宓記之明萬曆間邑人詹思亭偕泉鄉紳憇遊有詩在徵文崇禎間有

重脩禪師嗣法于雪峰巨信和尚尋隱此山古跡
有十景同孝廉池顯方作十咏 邑令

關弘異抵巖中捐俸起蓋壽禪寺有記里衿陳毓
愷施振侃白江盱莊養鱗建祠焉繼邑令楊貞亦
有題韻

鐵峰巖

一名慈濟巖在鐵峰山之阿建自宋祀清水祖師
今 康熙庚戌仲春巖左片石高大數丈忽有聲
而墮諸佛像竟無毀咸咤神力因募化重建 俱依仁里

九仙巖

宋有名僧來此一日騰空而去又名羅漢巖 崇信里

烏石巖

其石如屋方圓十餘丈宋釋頭陀居之名護國巖

龍涓里

九峰巖

其地有三尖山皆員秀聳列巖在第三尖下四畔
樹木蒼鬱怪石盤踞明崇禎間巖後有石周圍約
丈許墜下穿破西壁轉向中門躍出所經楹柱階

庭一無所損今其石猶在也

白衣巖

以上與一哩

達磨巖

故名玳瑁宋僧達磨創居因名達磨巖有石獅子宋令陳宓扁曰獅子峰

太湖巖

宋紹定中有道人張道源者遇異人於德化之九竇溪使負之渡乃曰我泰山佛傳汝心印自是靈異又一夕夢神人道往險境山中有地曰龍湖古

木流泉石巖可居與鄉人至山巔宛如夢中所見遂居之已自龍湖來居安溪山龍湖一名太湖道源遂以太湖名巖仍舊隱也其起手時邑有巨室山多杉木道源往施巨室曰脉木未折者卽以奉君亡何風大起木盡折旣得木矣又莫致之乃自山頂湖中先後挺出匠告曰木足矣遂止不挺今木頭半挺尚在湖中安溪稱三巖之奇曰普足搆清水自出米法勝搆泰山自出瓦道源搆太湖自出木邑人稱普足曰昭應祖師道源曰惠應祖師

惠勝曰顯應祖師明令汪瑀有詩 以上還集里

獅子巖

舊名歐巖宋淳熙間道人張法慈創居 感化里

惠林巖

宋乾道中崔道人修行之地嘉定中陳宓扁額惠

林又名月峯巖開寶二年建檀林院 來蘇里

太平巖

清水巖

宋禪師普足道場也普足永春人幼出家大雲院

長結庵高泰山往事大靜山明禪師業就辭還後

移庵住麻章為眾請雨如期皆應元豐六年清溪

大旱便村劉氏與鄉人謀往請之比至雨隨霑足

眾情胥悅有築室延居之願乃於張巖山成屋數

架名清水巖奉居焉普足術行建劍汀漳間檀施

為盛居巖十九年造成通泉谷口汰口諸橋砌洋

中亭路糜費巨萬資於施者始草創時其徒楊道

周明於巖呵累石為二窰堵臨崖距壑非人指手

若有陰相之者其餉工匠巖石中自出米匠斲手

而米絕中有公銳者久不茹葷堅持梵行普足悅
之一日囑以後事說頌訖端然坐逝享年五十七
建中靖國元年五月十二日也遠近全集瞻禮讚
歎越三日神色不異鄉人甃塔刻像事之稍或不
虔輒有電雷迅擊之異巖舊巨石當路不便往來
一夜轉于道側有婦投宿者巖前麻竹四裂遂不
敢入分身應供現影食羹凡所祈求無不響應宋
累封昭應廣惠慈濟善和大師普足塑像大是黧
黑俗傳初築室是山時有鬼窟舍鬼故穴其中普
足與約吾與若以法相勝鬼曰諾置普足穴中薰
之七日夜普足不死出曰汝任吾治出一布懸崖
側請鬼坐其上鬼盡往坐布斷盡墜巖底遂逐而
穴閉之今像黧黑被畚鬼烟薰致然也又傳山寇
至斲斷像鼻僧人取以傳之了然無跡顧居常在
也有不愜鼻輒不見頃之或得諸袍袖中或得之
胸腹前今郡邑祈雨必奉而求之有截竹徑徑有
含笑花普足所種其枝至徑而返尋復內向又一
奇也宋嘉定中令趙彥侯建來憇亭甃池引泉公

暇則携琴遊息於此後真文忠守泉迎奉大師祈

雨疏疏云伏惟盛夏實司長養久闕甘露與此邦

混跡世間不憚曝身而救旱今遊神天上明邑人

豈難翻手以為雲願垂慈閱遂降滂沱

皇清康熙辛亥年四月感化里人李夢植重建覺亭

巖有羅漢松亦普足所種者崇善里

石

紗帽石

在縣治藍溪之旁以形似故名在坊里

五音石

在坊大嶺後倪家之陽石色深青堅潤稍方而潤

若榻扣之聲如黃鐘有五音天然之妙倪家得于

鳳山之巔郡人詹守齋顧而耽之載歸夜夢神人

為仇遂抱病復托夢昇石回而痊人以為奇今存

蓮花石

在永安里月娘潭中石出水高三丈餘

應石

在新溪里駟馬山石廣二十餘丈人呼之則應

七星石

在叅溪中七石羅列映峙如斗

長泰里

驛口石

在依仁里舊龍門驛口故名其石高百餘丈有仙

人跡在

牛皮石

在山地山巔可望同之廈門浯嶼石廣數丈上有

一竅出水隨海潮汐行之聲如撞鼓鏘鏘有響卽

清豁禪師長往磐石也其舍利塔在焉

依仁里

龍虎石

在新溪里赤嶺鄉兩石相對一高而青一伏而白

俗呼龍虎石

白胸石

在新康里畧似人形天旱石帶白雲則兩農家以

相此為驗

虎跳石

在崇善里蓬溪中有四石高丈餘有巨人跡虎跡

一名仙人跡

仙人臺石

在還集里石臺高峭垂深百丈水聲如雷上有柑

橘桃李仙人跡

砥流石

在鶴頂山下水口有石柱高五十餘丈大數十圍

亘峙水中水為之迴流生成奇異所稀有也柳子

厚曰造化之靈不為偉人則為是物理或然歟

信里

元冶附

龍崇銀場在崇信里宋熙寧二年發礦元豐元年

封閉

清洋鐵場在龍興里宋熙寧年開今閉

鐵礦山鐵場在感德里地名潘田

湖頭溪

湖頭溪

自縣北常樂覆鼎諸山發源至建口渡歷新魁渡

又合坑源諸山之水至感化為下林渡而來蘇昇

卒諸山之水注焉溪有馬上灘淵灘當溪阻石數

百丈水從石罅出明正統間邑人李森鑿使深廣
遂通舟楫上有湖頭市百貨所集號小泉州

下湖溪

發源銅鈹山自還集里至龍興里匯龍潭溪

龍潭溪

發源自龍興崇信二里達于源口渡湖頭溪之水
至此分而爲二其下爲伽藍灘勢甚犇激而白葉
坑後洋陽益諸山之水又注焉中逕湯港灘便峒
灘仙人跳灘流倒藤灘溪口灘芋洲灘石圳灘東

淵灘至于縣治西北爲吳埔渡

藍溪

自北巖根竹吟詩諸山發源合新康龍蹤諸山之
水至大洋渡又合依仁龍塘烏巖諸山之水至灣
下渡始通小舟又流爲淩淵渡而溪稍大至于薛
坂渡與吳埔渡溪及合爲一入常洲渡其下有蘆
瀨灘抵黃龍渡日藍溪龍津渡在其下遶縣東南
爲學前灘歷北地灣東出羅渡逕葛磬灘石佛前
灘叅峒灘翠屏灘夾門灘象前灘溪友灘西淵灘

田隙灘至南安珠淵渡達于雙溪口入于晉江又有派
出崇信里之九峰山有水逆流東北則入于漳州龍溪縣
之九龍江又一派出遷集里之同發山有水逆流西北入
于長泰縣是又藍溪外之別派也翠屏灘夾溪皆石峰立
如屏嵌嵌翠麗人呼掬石港藍溪以水香如藍名宋有驛
在縣治名藍溪驛也蘆瀨灘以溪岸多蘆花名灘頭之溪名
曰蘆溪溪中有巨石數十皆鳥獸之狀薛坂云古有薛居士
居此不知是何薛也渡頭有石刻仙苑二

字蒼雅奇古不知何代人書久沒溪中常見光怪明隆慶間
浴溪者得而出之或傳爲朱文公所書

潭

黃潭

在長泰里大溪中是地有黃潭村有塚三十六壙皆花磚數
十步有亭號御亭相傳爲吳王墓

白瀨龍潭

界來蘇感化二里旱鳴則雨雨鳴則晴

百丈礫龍潭

在新康里百丈磔懸崖飛瀑晴陰萬狀同邑人池
顯方郭貞一李其蔚會遊有題白磔層流跌紆下
為龍潭淵深莫測潭口巨石山立禱雨必應聖蹟

獅淵

潭中一石高大丈餘狀如獅踞因名 長泰里

泉

聖泉

在縣治東監門外泉湧道旁石間砌池蓄之石刻
聖泉二字

湯

有上金湯下金湯 華湯俱依仁里 溫泉湯龍興里

大深湯感德里 橫山湯感化里 建口湯常樂里

蓬溪湯在湯港灘旁舊名便村湯崇善里

陂

產坑陂永安里 陂德陂俱依仁里 烏鎮陂俱依仁里 石蛇陂

洪巘陂 洪山陂水來自大巘山之南者為洪巘

陂來自大巘山之北者為洪山陂俱新溪里 鄭巘陂

卓元東洋陂俱新康里 蘆汀兩塘陂還集里 前山坑

卓元東洋陂俱新康里 蘆汀兩塘陂還集里 前山坑

陂感化

里

陂鳥陂

來蘇

高陂

西門陂

西陂

石鼓陂

大

山洋陂

亭前陂

崇善

塘

上塘

可塘

周塘

俱未安里

蘇塘

上洋塘

俱長泰里

楊柳塘

洋塘

俱依仁里

黃新塘

洪塘

俱新溪里

源口堵壠洋塘

龍興里

井

縣庭前井

在縣治中東廊下宋令龔時可鑿有新井銘

縣內井

在縣治東廊下明令楊紀鑿兼防火患

下市井

在縣治南清井不竭本古井湮塞明令蔡常毓重

濬之

曹主簿井

在縣治東地名下尾宋簿曹緯鑿石闌有主簿曹

官公四字今湮塞

蔡公井

宣於世之會古井久湮宋樂中鑿

在縣治宣化坊之傍古井久湮永樂中復浚

官後井

在四聖宮邊路旁

後園井

在縣治西路旁本古井久湮明天順間復浚在民

家園後故名

蘇家井

在縣治後泉甘冽

縣前井

在縣右興賢坊泉甘冽

淞邊巷內井

今廢

陳復齋井

在陳宓故祠中祠廢井存

歐宅井

在鳳山之麓又名後田井

佛泉井

相傳昭應禪師過此天暑渴甚無井可汲一媪汲

澗泉飲之師感其意卓杖出泉隨斃為井

橋渡

附

龍津橋

已見黃龍山宋紹興八年令倪登始作浮橋淳熙二年令趙善竦再修慶元五年令趙師戢易石址木梁嘉泰二年令龔晏始成之長六十八丈廣二丈四尺上覆以屋凡四十三間咸淳丁卯令鍾國秀重修明天順四年邑人李森重建今圯

鳳池橋

在縣治西見鳳山下今圯是橋合龍津橋往來道也當溪之湍治數壞渡者藉壞址爲平橋無如水漲何萬曆三十年令廖同春始作浮橋於東臯邑人刑部侍郎詹仰庇記三十五年令王賢卿以行人不便移之龍津渡頭壞於洪水四十五年令賀詳捐俸重建扁曰通濟邑人稱曰賀公橋後令遞修復渡

皇清順治六年令徐騰鯨重修旋被大水漂蕩十五年令韓曉再造爲梁又壞狂流濟以渡船今康熙十二年令謝宸荃捐俸重建浮梁有碑記

大嶺橋

小嶺橋

俱在縣

東園橋

俱在縣治西北

永安橋在縣治東北宋清水巖僧惠然募建

今圯

埔墘橋

兩港橋

去縣東十里許跨山坑水自麗碧山而下橫入于

溪故名宋淳熙九年僧性全創久廢明嘉靖六年

令黃懌重建

俱永安里

白塗橋

在羅渡東嘉靖元年里人黃添養重建

大字橋

今圯

星跨山坑接南安縣界

俱長泰里

西洋橋

今圯

高美橋

橋路通同安

俱依仁里

源口埔頭橋

牛嶺橋

俱龍興里

建口橋

明正統六年建

在常樂里今圯

湯頭鞏橋

馬跡橋

盆口橋

卓舍橋

東山橋

下坑橋

黃塘橋 宋建

東山橋 丁武建

宋建明里人吳煜重修 俱感化里

灣頭橋 蘇六年建

大演橋 在御史嶺下俱來蘇里

皇清康熙五年感化里人李夢植重建

芒洲橋

通永春明邑人李森建

金湯橋 今廢

皇清康熙六年感化里人李夢植重建

石圳單板橋

溪口橋

皇清康熙七年感化里人李夢植捐貲重建改名魁

斗橋

仙人跳橋 鞏橋

上任下任橋

大灣橋 大福建

今改 野崇善里

雙濟橋

宋清水大師建紹興中僧惠華增高之開禧丁卯

邑人吳遜之僧了性重建

谷口橋

清水大師建

今地

俱崇善里

渡

常沿渡

在縣治西鳳池橋下編渡夫一名

黃龍渡

在縣治南龍津橋上編渡夫一名

吳埔渡

在縣治西北五里

羅渡

在長泰里編渡夫一名

薛坂渡

一曰仙苑渡

灣下渡

俱在光得里

大洋渡

在新溪里

源口渡

在龍興里舊巡司在焉



缺卷2-卷6

建口渡

與里舊渡同亦名

亦名仙湧渡在常樂里

今廢

新溪渡

又新魁渡

下林渡

義民胡欽家世為舟以渡人俗呼黃坂渡

綿菴渡

俱在感化來蘇二里間

黃家渡在長泰里

安溪縣志卷之一終



